



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1508. usque ad annum 1513

**Fleury, Claude**

**August. Vind. [u.a.], 1769**

**VD18 90118456**

§. 132. Bugia a Petro Navarra expugnata.

---

[urn:nbn:de:hbz:466:1-66433](https://nbn-resolving.org/urn:nbn:de:hbz:466:1-66433)

Hispania fors accedat, si vero Anglia, Hi-  
 bernia, Scotia, Hungaria, Bohemia, Po-  
 lonia, Suecia, Dania, Norvegia, atque  
 Helvetia ejusmodi Concilium detestentur,  
 nonne exinde Ecclesia ingenti schismate  
 scindetur? Ut vero paucis absolvam, cum  
 foederatis meis in novam, eamque arctio-  
 rem societatem coire non possum; Reli-  
 gionem enim Christianam, ut in Africam  
 revocarem, grave bellum gessi, milite,  
 auroque exhaustus.

Sæcul. XVI.  
 A.C. 1510

§. CXXXII.

*Bugia a Petro Navarra expugnata.*

Legatis Ferdinandi responsum Cæsari  
 atque Regi referentibus, hoc in ne-  
 gotio haud ultra quicquam movebatur;  
 nec tamen propterea Hispaniæ Regis ar-  
 ma conquievit, Petro enim Navarrae  
 Comiti negotium dedit, ut tredecim na-  
 ves tam bellico apparatu, quam annona  
 optime instructas, quæ in portu Marsal-  
 quivirano hærebant, in altum protrude-  
 ret, Bugiam occupaturus, quæ est Afri-  
 cana Tunetani Regni Provincia in Barba-  
 ria sita, ubi ejusdem nominis urbs erat,  
 quadam Maurorum Universitate celebris.  
 Hanc civitatem Abufferizus ad Regni fa-  
 stigium erectam a Tunetano Imperio se-  
 junxit,

*Marian. lib.*  
*29. n. 93.*  
*Kaynald. ad*  
*ann. 1510.*  
*n. 26. Et 30.*  
*Gomes. de re-*  
*bus gest. Car.*  
*Ximen. lib. 4.*

Sæcul. XVI  
A.C. 1510.

junxit, eamque cum toto adjacente tractu Abdulhasi Filio suo reliquit, eandem vero tunc temporis Abdurrahamel ex Abdulhasi progenitus possedit, postquam inde Muletum Abdallam Nepotem, ac fratris sui natu majoris Filium deturbaverat, ut proin Muletus novi hujus Regni Rex esset legitimus, ac Abdurrahamel ejus Patruus illud tantum usurparet, cujus impietas, & furor eoque processit, ut non modo Nepotem suum folio spoliaret, sed illum etiam, ne capeffendo regimini idoneus esset, ferro candente oculorum lumine privari juberet. Petrus comperta hujus Tyranni crudelitate exauctorati Regis fautoribus insinuari fecit, illatam se ulturum injuriam, si ejus viribus suam quoque juncturi essent operam. Placuit cunctis Navarræ consilium, unde ille hujus factionis sociis sese adjungens, illorum conspiratione urbem suæ potestati subjecit; postea novi Regis amicitiam sibi conciliaturus, chirurgorum, quos secum ex Hispania advexerat, remediis, atque solertia misero oculorum usum restituit. Hic vero recuperata videndi facultate ultro pactus est, se Regi Catholico annum vectigal persolutorum, quod idem Bugiensium exemplum Algerii Piratæ secuti sunt. Denique Hispani continuato victoriarum cursu Tripoli-

*Raynald an.*  
1510. n. 32.

politanum quoque Regnum armis suis subjecerunt. Sæcul. XVI.  
A.C. 1510.

§. CXXXIII.

*Goa in Indiis ab Albuquerque nomine Regis Lusitani occupata.*

Sub idem ferme tempus Alphonfus Albuquerqueus, qui in Orientalibus Indiis sui Regis vices subire jussus erat, hanc dignitatem sibi nuper collatam aggressus est, novoque felicitatis auspicio Barbaris

*Maffei l. 4.  
Raynald. hoc  
an. n. 35.  
Oser. lib. 7.  
Baroz. dec.  
2. l. 5. c. 3.*

Goannam urbem eripuit: hæc urbs tractu temporis totius Orientis in Regno Detanensi longe celeberrima, ac Lusitani Imperii in Indiis caput evasit. Non eadem fortunæ prosperitas Almeidæ, cui Albuquerqueus successerat, adspirabat; hic enim magni nominis Vir, cum suos apud Africæ oras ad hauriendas dulces aquas in terram exposuisset, excitatis jurgiis inter suos famulos, atque illius Regionis Caphros, ipse eodem in loco die prima Martii spiculi ictu transfossus occubuit.

§. CXXXIV.